

غزوة بدر " نكون أو لا نكون " .. (الحلقة) 61 (.. #لماذا_محمد ﷺ) .. د . حازم شومان

حازم شومان

السلام عليكم ورحمة الله وبركاته. الحمد لله وكفى صلاة وسلاما على عباده الذين اصطفى. وصلاة وسلاما على حبيب قلوبنا وطبيب قلوب وشفيعنا يوم العرض على الله سبحانه وتعالى. اللهم صل وسلم وزد وبارك على حبيب قلوبنا محمد صلى الله عليه وسلم. في - 00:00:00

والاخرين والملا الأعلى الى يوم الدين ثم اما بعد. الليلة يا جماعة ان شاء الله. من اول الحلقة دي هنبداً نتكلم عن غزوات رسول الله. عن جهاد رسول الله عن معارك رسول الله. النهاردة اول مواجهة ضخمة بين الاسلام والكفر. النهاردة اول معركة حاسمة. بس الاول بنسأل ليه؟ ليه يا حبيب الله؟ ليه المعارك دي كلها يا رب - 00:00:25
رسول الله يا رسول الله هو الرسول كان يبحب اراقة الدماء يا جماعة. يا جماعة كل غزوات النبي ما قتلش فيها غير متين وتلاتة كافر بس. كل دي متين وتلاتة كافر. الحرب العالمية الثانية اتقتل فيها خمسة مليون بني ادم. امريكا في لحزة رمت القنبلة النووية على اليابان. قتلت متين الف - 00:00:45

بني ادم امريكا ضربت فيتنام قتلت ثلاثة مليون بني ادم. امريكا ضربت اليابان بالنافال ما قتلت تمانين الف بني ادم. الرسول كل ما عليه الصلاة والسلام متين وتلاتة. يبقى الرسول كان رجل السلام. يبقى الرسول عليه الصلاة والسلام ما كانش يبحب اراقة الدماء. النهاردة يا جماعة مع غزوة بدر - 00:01:05
سبعناشر رمضان يوم الجمعة. سبعناشر رمضان اتنين هجرية. سبعناشر رمضان ده بكرة يا جماعة. بكرة يعني بكرة ان شاء الله زكري. غزوة بدر تبدأ الغزوة ازاى؟ تبدأ البداية يا جماعة ان الصحابة بعد ما تركوا اموالهم وتركوا كل حاجة وسابوا كل دنيتهم عشان ربنا وهجرم الفقر وصل - 00:01:25

درجة رهيبة. اهل الصفة اللي هم المهاجرين اللي اتخرجوا معدمين. مكة خدت منهم كل حاجة. بقى كل واحد منهم لابس حنة قماشة رابطها في رقبتة يا دوك بتستر عورته. الماية بقت ازمة. الصحابة ما عدوش عارفين يشتروا الماية. اليهود غلوا سعر الماية. تخيلوا الماية بقى تمنها غالي على - 00:01:45
مسلمين الرسول قائد الامة افقر بيت في المدينة. كان يمر الهلال تلوي الهلال تلوي الهلال لا يوقد في بيته نار. الرسول القائد تخيل النبي عليه الصلاة والسلام. الامة كلها ما شبعنا من التمر حتى فتحت خيبر. ما كانش فيه شبع لا غني ولا فقير متخيلين يا جماعة. ولكن فضل النبي - 00:02:05

لحد ما باعوا الدنيا. فضل النبي يربيههم. لحد ما خرج نمازج في العمل الخيري والايتار. التاريخ يشهد لها رغم الفقر. عثمان ابن عفان يشتري بنر روما ويبقى لله. وتتحل ازمة الماية. النبي يجي له ضيف. النبي يعدي على بيوته يبعث لبيوته. كلها ما فيش فيها غير ماية. يقول - 00:02:25

اصحابه من يأوي ضيف رسول الله ما حدش في بيته عاشها. يقول ابو طلحة انا يا رسول الله. ياخده يروح لام سليم مراته يفاجأ ان هو ومراته اصلا. ما لهمش - 00:02:45

اشهد يا دوك على قد الاولاد. ابو طلحة يعمل ايه؟ يطيب الاطفال. يتفق مع ام سليم النائم الاطفال. وانا وانت نطفي النور ساعة

العشاء ونعمل ان احنا والضيف ياكل ضيف رسول الله. وكل البيت ينام جعان وينزل قول الله. ويؤثرون على انفسهم ولو كان بهم

خاصة - 00:02:55

ارادوا ان ما فيش حد يعرف في الدنيا ربنا عرف الدنيا كلها يا جماعة كان اثار رهيب. عمل خيرى رهيب. الفقر زاد قوي. الفقر زاد في المدينة اوي وبدأ رمضان وكان زي الايام دي رمضان لسة بادئ من ايام. يعني احنا الوقتي ستاشر رمضان هم كانوا لسة في الاول بقى.

رمضان بادئ واول مرة الامة تصوم - 00:03:15

ويجي خبر للنبي عليه الصلاة والسلام. فيه قافلة لكبار زعماء قريش جاي بها ابو سفيان. هتعدى على بعد مية وستين كيلو متر من المدينة. مية وتمانين للحبشة والمدينة اتاخدت بلادهم. اتاخدت ديارهم. اتاخدت اموالهم. اتاخدت محلاتهم. اتاخدت اراضيهم. اتصادر

عفش بيوتهم. بيت النبي - 00:03:35

عليه الصلاة والسلام سرودة طائلة. سرودة طائلة الزعماء دول اصحاب القافلة دول خدوها مننا. الرسول عليه الصلاة والسلام بيعت الاخبار يشوف ايه القافلة دي. يلاقي فيها خمسين الف دينار يعني خمسين مليون جنيه. ويلاقي فيها الف بغير ويلاقي لها ستين

حارس. الرسول عليه الصلاة والسلام جابوا الفلوس دي منين ؟ الفلوس دي فلوسنا احنا - 00:03:55

بيتاجروا بها ويعملوا بشوات في الدنيا. وهي اموالنا واحنا بطوننا بتتلوى من الجوع. الفلوس دي فلوسنا. يقرر الرسول الخروج لاسترداد اموال الصحابة. هو كان هياخد فلوس قريش لأ يا جماعة. الرسول هو اللي ميت علي ابن ابي طالب في حركة فدائية لرد

الامانات ابدأ. الرسول كان بيرجع حق الصحابة ليه - 00:04:15

فيهم ويخرج النبي عليه الصلاة والسلام. يخرج النبي عليه الصلاة والسلام في تلتمية واربعناشر صحابي. كان سبعين ضعيف بس اللي معهم. يعني كل خمسة على بغير. يعني كل خمسة كل واحد يمشي اربعة كيلو يركب على ويركب كيلو. النبي كان معه اثنين يعني

يمشي اثنين كيلو. وصحابي راكب وبعد كده يركب كيف - 00:04:35

لمدة مية وستين كيلو رايع جاي. كان فيه فرسين بس فريسين اثنين بس. كانوا خارجين بالسيوف العادية هيجاربوا ستين واحد. رقية بنت النبي كانت مريضة اوي كانت بتموت يسيب معها عسمان ويخرج لنصرة الدين. ولنصرة الاسلام. الاخبار توصل لابو سفيان.

ابو سفيان يتجنن يتربع - 00:04:56

يبعت فارس بكل قوة وبكل فرس بفرص قوي جدا لمكة. اول ما يوصل الصديق لمكة يقوم نازل في وسط مكة. شقق هدمه وصارخ ويقعد يلطم ويقول اللطيمة اللطيمة. يا دي المصيبة اموالكم مع ابي سفيان. ادركها محمد واصحابه - 00:05:16

الغوث الغوث والله ما اظن ان تدركوها. هتلقوها ولا مش هتلقوها. وتتقلب مكة يا جماعة. انا عايزك تعيشي في الاحداث. انا عايزك تعيش في الانقلاب اللي في مكة ابو جهل يعلن حالة التعبئة العامة ده فرصة عمره. اللي مش هيجرب معنا هيتقتل على طول. يجيشوا

كل طاقات مكة من اجل المعركة - 00:05:36

تجار مكة يصرفوا الوف مؤلفة من اجل تبجيح الجيش بالسلاح الثقيل. الرهيب. كان فيه ناس رافضة. ابو جهل رعبهم هنقتلكم معظم الناس كانت خارجة غصب عنها. ابي بن خلف كان مرعوب كان بيرتعش من النبي عليه الصلاة والسلام. ما رضاش يخرج ابو جهل بعث

له عقبة ابن ابي معيط. قال - 00:05:56

خد المجرمة دي بتاعة البخور انت من النساء يا امية. انت امرأة يا امية. امية بن خلف اتفضح قدام الناس. قال خلاص هخرج بس هجيب ضعيف سريع جدا عشان اعرف اهرب. في اي وقت. ام ابو لهب كان عنده سبعين سنة اترعب. سابوه عنده سبعين سنة سيبوه.

مش هيعمل لنا حاجة. عمة من عمات - 00:06:16

الرسول عليه الصلاة والسلام في مكة شافت رؤيا ان واحد وقف على جبل علي في مكة معه صخرة ضخمة ورمالها. الصخرة وقعت

على مكة اتفتت ما فيش بيت الا دخل طوبة منه - 00:06:36

الناس اترعبت من الرؤية وبدأت تتناقل. ابو جهل حارب الرؤيا. وسخر من كل واحد بيتكلم فيها ومنع الكلام فيها. نهائيا يا جماعة. ابو جهل عمل تعبنة عامة جيش الطاقات جند الجنود. وبعد هذه التعبئة الفورية يخرج جيش مكة الف وتلتमित مقاتل. معهم متين فرس

مدججين بالسلاح. انا عايزك تقارن جيش النبي وجيش مكة. هنا تلتمية واربعناشر. هنا الف وتلتمية. هنا فرسين هنا متين فرس يعني واحد لمية هنا سبعين بعير الخمسة على بعير. هنا كل واحد له بعير. هنا السلاح سلاح خفيفة يحاربه. خمسين واحد - 00:07:06
ستين واحد هنا مدججين خارجين لمعركة. هنا الزات بتاع قريش كانوا بيدبحوا يوميا عشر جمال. بيصرفوا ببزغ. هنا كان كل خمسة معهم كيلو ونص تمر. كيلو ونص تمر ويخرج المشركين. يخرجوا في زفة رهبة وسط جزيرة العرب. وقبل بدري بخمسين كيلو. قبل ما يوصلوا لنصافة بين مكة والمدينة - 00:07:26

يجي لهم الخبر من ابو سفيان خلاص العير نجت. ابو جهل يقول لا لازم هنخرج. عقبة ابن ربيعة يقول له نرجع خلاص اموالنا نجت. يقول لا والله حتى بدر ونقيم ثلاثا ونزبح الجزور ونقسم الطعام ونشرب الخمر ونسقيه وتعزف لنا القيام وتشهد - 00:07:46
العرب اننا لا نحارب وتزل العرب تهابنا ابد الحياة. الناس كلها تمشي ورا ابو جهل لغاية ما ابو جهل يضيعها. لغاية ما ابو جهل يدمرها. الرسول كان دلوقتي يا جماعة الرسول هو والصحابة خارجين ورا العير ما يعرفوش انها نجت. وصلوا قرب بنر بدر. لسة عايزين العير. الكلام ده كان امتي ؟ كان يوم الخميس بالليل يوم - 00:08:06

ستاش رمضان. يعني الليلة داهي يا جماعة. يعني الليلة داهي كان الموقف دا بيحصل. انا هكلمكم دلوقتي عن ليلة بدر. انا عايزك تعيشي معي يعني ايه ليلة بدر المعركة الحقيقية كانت ليلة بدر بيعتوا يقبضوا على واحد من المشركين عند بنر بدر يجيبوه يستجوبوه. انت تبع قافلة ابو سفيان - 00:08:26

بيقول لهم انا تبع جيش قريش. جيش ايه ؟ هو قريش خرجت جيش ولا ايه هو جهود قريش جاية تحاربنا ولا ايه وجيشنا قد ايه ؟ يعرفوا ان حوالي الف. الف اكثر من الف وبعدين هنعمل ايه ؟ الصحابة هيدخلوا في صراع نفسي رهيب. جيش! قروش جاية تحاربنا! تحاربنا احنا - 00:08:46

ومش اقوى بلد في العرب. العرب كلهم مش هيسيبوها. هيجوا وراها. العرب كلهم هيقتلونا. الصحابة لسة تخیلوا كانوا بيتجلدوا وبيتكوا من لسة برضو فيه شيء من من القلق من الخوف من من الكسرة قدام هذا العذاب الاليم اللي تعذبوه - 00:09:03
يقينا مدججين بالسلاح. يقينا تسليحهم رهيب. الف وتلتमित واحد هنعمل فيهم ايه ؟ والجيش معظمه احباش. يعني اقوياء جدا. طب هنعمل ايه دلوقتي بيعمل ايه قدامهم ؟ لاول مرة يطلب من الصحابة دمهم. لاول مرة يطلب من الصحابة ان السيف هيتحط على رقبته. لاول مرة يطلب من الصحابة انهم ما يرجعوش ممكن - 00:09:22

اهاليهم تاني ولا يشوفوهم تاني. الرسول عليه الصلاة والسلام مقدر خطورة الموقف. مقدر ان بكرة المعركة. لو الصحابة فضلوا كده هتبقى مصيبة. هنعمل ايه هنحارب ازاي ؟ ربنا يغيسنا من عنده ينزل قرآن انه مدهم بالف من الملائكة مردفين. الف يعني تلتمية لما - 00:09:42

ضاف الف بالف وتلتمية والف وتلتمية بقينا قد بعض اطمناو بقى وكمان ملايكة تفاجئوا ان فيه امدادات من العرب بدأت تيجي. قرز بن جابر بدأ بيعت الصحابة في بعض الصحابة طبعا مش كل الصحابة. بعض الصحابة يقلق جدا ينزل قرآن تاني. مدمكم بثلاثة الاف من الملائكة منزلين - 00:10:02

الصحابة كانوا قلقانين جدا يا جماعة. طب خمسة الاف مسومين والصحابة برضه قاعدين يسمعوا الكلام طب هنعمل ايه ؟ يا جماعة الصحابة كانوا خارجين يقاتلوا ستين واحد واحد فوجئوا ان قدامهم الف وتلتमित واحد مدججين بالسلاح. الصحابة يا جماعة كانوا خارجين خلاص خارجين في عملية استشهادية بقى هنموت هنموت. عشان - 00:10:22

كده النبي كان يقرن دايم ما بين بدر وما بين آآ بيعة الرضوان. بيعة الرضوان في الحديبية لان دي بايعة على الموت. لان بدر كانت عملية استشهادية المعركة الحقيقية كانت ليلة بدر انا بقول الكلام ده ليه ؟ انا بقول الكلام ده عشان نحس. ليلة واحدة من ليالي الصحابة. ليلة يا امة محمد - 00:10:42

اللي لياليك بيعت سهرات وحفلات ومباريات ونوادي وخروجات ومصايف. ليلة من ليالي صحابة رسول الله صلى الله عليه وسلم

تخيّلوا يا جماعة الرسول عليه الصلاة والسلام عايز يطمئنهم يقوم يقول لهم هنا مسرح ابو جهل. هنا سيقتل عقبة هنا سيقتل امية.

[بيبشرهم بيطمنهم - 00:11:02](#)

قلوبهم. النبي مستني الانصار يقولوا ايه ؟ يفاجئ ان الانصار بيقولوا لا طاقة لنا بحرب قريش. الكلمة تشق قلب النبي. ده المهاجرين كلهم ستين واحد الجيش كله انصار. الانصار مش هيحاربوا ازاى ؟ النبي عليه الصلاة والسلام هتعملوا ايه ؟ هتنصروني ولا لا ؟

[هتنصروا حبيب الله ولا لا ؟ ويقوم المقدار - 00:11:25](#)

رضي الله عنه يقول له يا رسول الله والله لنقاتلن عن يمينك وعن شمالك ومن امامك ومن بين يديك اذهب انت وربك ان وراءكم

متبعون. من الفرع اللي اترسم على وش النبي ابن مسعود تمنى لو بعمره كله كان قال الكلمة دي. عشان يفرح - [00:11:45](#)

لله. يوم سعد بن معاذ يا رسول الله. والله لو سرت بنا الى برك الغماد لسرنا وراءك. منطقة صخور بركانية الميه فيها اتغمدت غارت

خلاص. منطقة مهلكة زي وراء الشمس كده. يا رسول الله امض بما شئت. يا رسول الله صلح بال من - [00:12:05](#)

واقترح بال من شئت وسالم من شئت وعادي من شئت وخذ من اموالنا ما شئت. يا رسول الله كم واحد في المليار ربعميت مليون الوقت يقدر يقول الكلمة دي. الكلام اللي زلزل عرش الرحمن اللي هز عرش الرحمن عند موت سعد. كم واحد بالمليار وربعميت مليون

[يقولوا الوقتي - 00:12:25](#)

كم واحد يقول كلمة المقداد الوقتي هنقاتل من يمينك وشمالك يا رسول الله ؟ كم واحد يقوم صحابي ثاني يقول له يا رسول الله والله

لو خطة من البحر لخضناه وراءك ولا يتخلف منا رجل. الرسول عليه الصلاة والسلام يطمئن. قومم يوقف الصفوف حب الرسول مالي

القلوب. حتى ساعة الموت والمعركة - [00:12:45](#)

فيه واحد اسمه سواد. الرسول يزيبطه في الصف ويطلع قدام. الرسول يقول له استوي يا سواد يرجع ثاني يطلع قدام. استوي يا سواد

يرجع ثاني قدام الرسول نغزو في بطنه كده استوي يا سواد. قال له يا رسول الله اوجعتني. الرسول كشف له بطنه. قال له اقتص يا

سواد. ام حاضن النبي عليه الصلاة والسلام - [00:13:05](#)

وقال له ما اردت الا ان يكون اخر عهدي بالدنيا ان يمسي جسدي جسدك يا رسول الله. الرسول عليه الصلاة والسلام يا جماعة يخرج

مع الصحابة يخرجهم وقبل المعركة بساعات يبص النبي على جيش المشركين من بعيد وعلى عدده وعلى تسليحه وعلى فرسانه وعلى

شكله وعلى - [00:13:25](#)

على الغبار اللي عامله في الهوا ويبص على المشركين وعلى قلتهم وعلى ضعفهم وعلى اسلحتهم البسيطة ويرفع ايده. اللهم ان تهلك

هذه عصابة فلن تعبد في الارض ابدًا. يا رب يا رب اغث المؤمنين يا رب. الرسول كان عارف انها معركة تكون او لا تكون - [00:13:45](#)

ان العصبة داهية المؤمنة لو اتهزمت الاسلام هينتهي على وجه الارض. الرسول يبص ثاني على جيش المشركين. يلاقي القيام بتعزف

والاغاني والطبوع والجواري قاعدة تجري ما بين الجيش تشد من ازهرهم ويغنوا لهم. الرسول يبص للسما ويقول يا رب - [00:14:05](#)

انت عضدي ونصيري بك اصول وبك اجول وبك اقاتل. انا ما اقدرش اعمل حاجة من غيرك يا رب. يقف يصلي يقف وراه ابو بكر يرفع

ايده. اللهم لا تودع مني. ما تسبنيش يا رب - [00:14:23](#)

اللهم لا تخذلني. اللهم لا تترني. الموتور اللي اتقتل له حد من اهله. يا رب ما توترنيش في اصحابي احفظهم لي يا رب. احفظ يا رب

اللهم انشدك ما وعدتني. اللهم نصرك الذي وعدتني. اللهم فنصرك الذي وعدتني. ابن مسعود شاف - [00:14:39](#)

النبي اتزلزل قلبه. قال ده عمر ما حد ناشد على ده ناشد ضالة زي كده. لو ام ابنها تاه منها وبتصرخ مش زي صراخ النبي لربنا يومين

وتهرب الجيوش من بعض والجيشين بيدأوا يشوفوا بعض يا جماعة - [00:14:59](#)

النبي، عليه الصلاة والسلام، لما يلاقي الجيوش قربت من بعض يعمل ايه عليه الصلاة والسلام ؟ يسجد لربنا سجدة من اطول سجديات

حياته. يفضل يقول يا حي يا قيوم النبي شايل اللهم ده كله. انت شايلة ايه من هم النبي ؟ انت شايل ايه من هم النبي ؟ لنصرة الاسلام.

[احنا يا جماعة شايلين ان - 00:15:14](#)

الدم الرهيب ده النبي عارف المعركة ديت قد ايه فاصلة قد ايه حاسمة قد ايه خطيرة. سيدنا علي ابن ابي طالب بيقول زهبت اقاتل

سم عدت الرسول ساجد وهو يقول يا حي يا قيوم سم زهبت اقاتل سم عدت فوجدت الرسول لا يزال ساجد وهو يقول يا حي يا
قيوم - 00:15:34

يرفع الرسول عليه الصلاة والسلام راسه وهو بيهتف سيهزم الجمع. ويولون الدبر. ربنا بشره بالملايكة خلاص. وتبدأ الجيوش تهرب
ويقفوا قدام بعض يا اللقاء الثاني. متخيلين احساس عمار! وهو يشوف ابو جهل على الناحية الثانية ابو جهل. ابو جهل اللي قتل
امي. ابو جهل اللي قتل - 00:15:54

سمية وطعامها ابو جهل اللي قتل ابويا. ابو جهل اللي عزبني اللي كواني اللي غرقني. بيعزبني بالغرق. ابو جهل امية بن خلف على
الناحية الثانية ده اللي يشوفه امية. ياه يا امية. بقينا راجل لراجل يا امية. امية ابن خلف اللي كواني اللي كان يشوي جلدي ويربط
رجلي - 00:16:18

الفرس يجري في الصحرا يسلم جلدي. امية اللي كان يحط الصخرة على على صدري في عز النار ويقول لا اتركك حتى بموت ابي يا
ابن خلف ثاني. متخيلين احساس الصحابة بعد تلتاشر سنة! تلتاشر سنة تعزيب! متخيلين لحزة الرد يا جماعة! لحزة - 00:16:38
بدر هي لحزة الرد على تلتاشر سنة عذاب على تلتاشر سنة تنكيل وازل النبي عليه الصلاة والسلام. امتى بقى يا امة محمد؟ امتى يا
رب امتى هتيجي لحظة الرد على المسلمة اختنا اللي اغتصبوها في العراق في سجن ابو غريب وانتحرت! امتى هتيجي لحظة الرد
على شهداء كشمير! امتى هتيجي يا رب لحظة - 00:16:58

يا رب على مزاج صابرة وشتيلة. انت يا رب هتيجي لحزة الرد على اطفال غزة اللي اتحرقوا بالفسفور بخرايين الفسفور. امتى يا رب
هنرد امتى يا امة محمد وتيجي لحزة الرد وتيجي ساعة الصفر ويقرب الجيشين من بعض وييجي لحزة المعركة ويخرج ثلاثة من
المشركين - 00:17:19

عقبة بن ربيعة شيبة الوليد ابن عتبة. التلاتة اللي قعدوا يدحكوا على النبي هم سلك جزور اترمى عليه. يخرج لهم علي وحمزة وعبيدة
ابن الحارث سيوف الاسلام والكفر وتشتبك في المعركة الفاصلة اول مبارزة في المعركة الفاصلة. ويقتل علي شيبة ويقتل حمزة عتبة
ويقتل - 00:17:39

تلات مشركين ولكن العبيدة ابن الحارس اتجرح جرح قاتل يشيلوه يودوه للنبي. عبيدة ابن الحارس ينيمه على الارض جنب النبي
يقول لا على فحذي عبيدة بن الحبيب يبص لرسول الله. يقول له يا رسول الله اوفيت يا رسول الله؟ انا وفيت اللي علي انا وفيت حق
ربنا - 00:17:59

انا وفيت العهد اللي بيني وبينك. الرسول يرفع الرسول ويقول اللهم اشهدك انه وفى. يقول له الست شهيدا يا رسول الله انا الشهيد
يقول له بلى. يفرح فرح رهيب وهو ويموت. الصحابة يشتعل حماسهم لمنزr الشهادة. والمنزr التلات مشركين اللي اتقتل - 00:18:19
والنبي يهتف. والنبي عليه الصلاة والسلام يقول قوموا الى جنة عرضها السماوات والارض. عمير بن الحمام كان في ايده شوية تمر هم
اللي زاده في الدنيا يرميهم ويقول لان عشت حتى اكل هذه التمرات انها لحياة طويلة. رمى الدنيا جري قاتل حتى قتل - 00:18:39
وعنده تمنناشر سنة وفاز بالفردوس الاعلى. مين فيكم في اولى جامعة فاز بالفردوس الاعلى الوقتي؟ الصحابة الصحابة يلتهب
الحماس في قلوبهم انقضت تلتमित صحابي على الف وتلتमित مشرك. تلتमित اسد على الف وتلتमित كلب. تلتमित صقر على الف
وتلتमित غراب. حمزة يهجم يقتل - 00:18:59

عشرة علي يهجم يقتل واحد وعشرين. عمار يهجم يقتل خمسة. الرسول عليه الصلاة والسلام يمك شوية حصى ويرميهم في
الوجوه اسناء المعركة ويقول شاهت الوجوه. الحصى ييجي في عيون الكفار. ايه ده! ازاي يا جماعة! هو الحصى عارف الكافر مين
المؤمن - 00:19:19

الحصى تحول لقنابل زكية. قبل ما امريكا تخرعها بالف وربعمية سنة. عارف عين الكافر من عينين المؤمن. لما كنا مع ربنا قاتل معنا.
الرسول ينزل يقاتل في المعركة. علي ابن ابي طالب بيقول كنا نلوذ برسول الله يوم بدر. كان اقرب واحد فينا كان اقرب رجل -
00:19:37

الى المشركين. الرسول طفليين يبجي يروحوا لعبدالرحمن ابن عوف. يقولوا له يا عماه عبدالرحمن بن عوف يقول لهم نعم يعني طفليين اربعتاشر سنة وخمستاشر سنة. يقولوا له سمعنا ان ابا جهل يسب رسول الله. امنا اخبرتنا ان ابا جهل - [00:19:57](#)

يسب رسول الله. امهم كان فيه ام. كان فيه ام بتخرج ابطال. كان فيه ام بتخرج رجاله يا كل ام قدام اتق الله. سبيس تون مش هتخرج مجاهد اسبيس تون وديزني والقنوت مش هتخرجهم مجاهد. مش هيخرجوا راجل يشيل الدين ابداء. مش هيخرجوا راجل.

الرسول عليه الصلاة والسلام - [00:20:14](#)

الرسول في المعركة بعض الصحابة والصحابه حماسهم اشتعل. الطفليين يقولوا لعبدالرحمن بن عوف اين ابا جهل؟ يقول لهم ليه سمعنا انه يسب رسول الله؟ كلمة ان النبي ما يتشتمش يشاور لهم على ابو جهل. معاذ ابن عفراء هو ومعوز يجروا. معاذ يجري على ابو جهل. معوز يقوم ضارب. الفرس بتاع ابو جهل - [00:20:34](#)

سيف يقع ابو جهل. يقوم معاذ ضارب رجله بالسيف مطير نص رجله. مطيره في الهوا. ابو جهل يقع على الارض يقع ينزف. عكرمة بن ابي الجهل ينتقم لابوه. يضرب معاذ بالسيف على كتفه يخلع له ذراعه. ما عدا حته جلدة بس من ذراعه وبين جسمه. معاذ يقول

زل طول المعركة - [00:20:54](#)

وهي عاتقات لحد ما في الاخر ضغط برجليه على ذراعه وخلع ذراعه. خلع ذراعه عشان ربنا عشان الدين عشان الجهاد وراهم امة عظيمة. امة عظيمة تعرفي تخرجي لنا كده. تعرفي كان في امرأة اسمها عفراء بنت عبيد. كان لها سبع اولاد. السبعة خرجوا في بدر -

[00:21:14](#)

امرأة خرجت للامة سبع رجاله. انت قدمت للامة ايه؟ قدمت للاسلام ايه؟ عملت للامة ايه؟ كان في طفل اسمه عمير ابن ابي وقاص عمير قاعد يستخبي من النبي عشان ما يرجعوش. النبي شافه ورجعه عيط. بكى دموعه فاضت. النبي اقره. شي عاطفة رهيبة. جنود اسود - [00:21:34](#)

صقور وانقضوا يا جماعة. ابو جهل وقع بيموت. جه لابن مسعود. شاف ابو جهل بيموت. قام رايح حاطط رجله على رقبته. وقال له انت يا ابو جهل انت اللي لطمتني لكمة في الحرم وانا بقرأ سورة الرحمن. طيرت لي ودني من راسي قبل كده. انت فرعون الامة انت ابو جهل - [00:21:54](#)

انظر ماذا فعل الله بك. ابو جهل يقول له لمن النصر؟ يقول له لله ولرسوله ابو جهل يبص يلاقي ابن مسعود يقول لقد ارتقيت مرتقا صعبا يا رويعي الغنم. انت ايه ده انت يا ابن مسعود تحط جزمتك على رقبتي. ابن مسعود - [00:22:14](#)

تقتل ابو جهل ويفصل راسه عن جسمه يجرجر راسه. يوديها للامة كلها تستبشر. فرعون اتقتل. فرعون الامة قتل يا رجاله. فرعون الامة يا رسول الله اتقتل. والصحابة كلهم يجروا. بلال. بلال اول ما يشوف امية ابن خلف في المعركة يقولوا امية امية ابن خلف لا -

[00:22:32](#)

لا نجوت ان ناجي. يا اصحاب رسول الله امية لا نجوت ان نجا. ويجري وراه يفضل يطعنه لغاية ما يقتله ينتقم من تلتاشر سنة عذاب. وازوا تنكيل وتعطيل للدعوة. قريش كانت افترت قوي قبل بدر. قريش كانت - [00:22:52](#)

سمعة الاسلام في في العرب. قريش بعد الهجرة زادت شراسة في حرب الرسول غير قبل الهجرة. كان لازم رد. كان لازم يعرفوا ان الدين قوي. كان لازم يعرفوا ان الدعوة ما فيش حد هيوقف في وشها. الزبير ابن العوام يضرب ضربة على كتفه. يفضل طول عمره يفضل يحط ايده فيها تدخل. وتفضل الاصابة معه لغاية ما يموت بعد - [00:23:12](#)

طويلة واحد اسمه سعد بن خيثمة كان خارج يقاتل ابوه قال له اقاتل انا ما هو واحد من الاثنين يخرج. قال له لو كان غير الجنة لاسرتك. الوقت المسلمين يقول لك انا في الفلوس ما اعرفش ابويا. زمان الصحابة يقول له انا في الجنة ما اعرفش ابويا. ويتقتل سعد - [00:23:32](#)

في غزوة طيب قدر. ويتقتل ابوه في غزوة احد يا للتضحية! حارثة! شاب من الشباب الصغيرين يتقتل في المعركة. امه قبل ما المعركة تبدأ على طول والام تروح للنبي. ابني فين؟ ابني فين يا محمد؟ ابني فين يا رسول الله؟ ابني في الجنة ولا في النار؟ يقول

لها يا ام حارثة انها ليست جنة انها - 00:23:52

جنات انها جنات يا امة محمد. انها جنات يا احباب رسول الله. انها جنات يا عشاق الشهادة. انها جنة كل جنة نعيمها الثاني وان ابنك اصاب الفردوس الاعلى. شاب وفاز بالفردوس الاعلى. الملائكة تنزل زي ما ربنا وعد - 00:24:12

صحابي كان يقول كنت اجي اضرب بالسيف رقبة. المشرك الاقي رقبته طارت ما اعرفش مين اللي طيرها. واحد صحابي اسر وواحد مشرك وداه للنبي. قال له انا اسرت يا رسول الله المشرك قال له يا رسول الله يا محمد ليس هذا الذي اسرني. الذي اسرني شخصه ووصف صفات تانية خالص. الرسول قال للانصاري اسكت فقد ايدك الله - 00:24:34

بالملائكة ايدك الله بالملائكة كان موقف رهيب يا جماعة. المعركة بدأت تبان. المشركين بيتحصروا. استحسونهم المشركين بيتقلعوا من جزورهم. المشركين بتتقطع اجسادهم الشبك بينهار راية مكة وقعت وادست بالجزم. المشركين جثثهم ملت المعركة. بقوا ييجروا في كل اتجاه بيسيبيوا كل اموال معهم - 00:24:54

والمشهد النهائي سبعين جسة من جسس صناديد قريش. كل جسة جسمت على انفاس رسول الله تلتاشر سنة. كل جسة عزبت الصحابة تلتاشر سنة وحواليهم الفلوس بتاعتهم والصحابة ييجروا والستات بتجري واللي كانوا بيطلبوا ييجروا والكل ييجري وهند - 00:25:18

اوروبا مقهورة مدبوحة ابوها واخوها وعمها اتقتلوا في لحزة واحدة. هند بنت عوف بقى تموت والكل ييجري مش قادر يعمل حاجة ويقف رسول الله صلى الله عليه وسلم. يقف رسول الله صلى الله عليه وسلم يبص للجسس اللي مرمية. وبعد ما اتعفتت ويقول لهم يا عتبة يا - 00:25:38

يا امية يا ابا جهل انا وجدنا ما وعدنا ربنا حقا. فهل وجدتم ما وعد ربكم حقا؟ لقيتوا الزقوم حق؟ لقيتم الغاسلين لقيته مقام على الحديد حق. لقيتم القبور المشتعلة نار عليكم تحت التراب حق! عمر يقول له يا رسول الله اجساد تعفتت! يقول له يا عمر لست باسمع - 00:25:58

منهم عمر بن الخطاب يقف مزهول من خمس سنين. وقفت يا رب وقلت سيهزم الجمع ويولون الدبر فين؟ فين الجامع اهو يا رب يا وعودك يا رب يا صدق كلامك يا رب. شفتم يا جماعة اللي شتمه النبي حصل لهم ايه؟ شفتم اللي ازوا رسول الله؟ شفتم يا جماعة شفتم انت ابو جهل شفت حصل لك ايه؟ شفت ولا - 00:26:18

حاربتوا الاسلام شفتم يا اللي حاربتم الدعوة؟ ابو جهل اتفصل راسه عن جسمه. واللي قتله طفل وابن مسعود راعي الغنم عشان يتقهر قبل ما يموت عقبة بن ابي معيط ييجروا يجرجروه يرموه في القليب اللي رموا فيه البلاعة اللي رموا فيها جسس المشركين وقفلوا عليها. جسمه يتقطع - 00:26:40

معفن يردموا عليه في مكانه. امية ابن خلف يطلع من جسمه ريحة قاتلة رهيبة. يدفنوه في الحطة بتاعته مش قادرين يجرجروا جسمه. عتبة بن ربيعة يترموه زي زي الكلاب واحقر من الكلاب في القليب. وكلهم في الآخر يتقفل عليهم البلاعة ويتردم ويتردم معهم تاريخ - 00:27:00

اللي ازوا رسول الله يا اللي بتحاربوا الدين. يا اللي بتحاربوا الاسلام يا اللي بتحاربوا دعوة رسول الله. هو ده عاقبة كل واحد حارب رسول الله والصحابة بزولين مش مصدقين. مش مصدقني ان دي نهاية قصة تلتاشر سنة عذاب. ده ابو جهل اللي كان يقف على جلد البقرة سبعة يشدوه من تحت - 00:27:20

رجليه وهو متبته ما حدش يعرف يشده. من القوة الرهيبة. تحدى النبي وقال له انا هكفي قريش ملايكة خزنة جهنم. ايه اللي انت بتكلمني عليهم ده؟ ده عتبة دي امية ابن خلف ده عقبة ابن ابي معيط اللي خنق النبي في صحن الكعبة. يا وعدك الصادق يا رب - 00:27:40

وينزل قول الله سبحانه وتعالى هذان خصمان اختصموا في ربهم المؤمنين والكفار. اول ثلاثة برزوا فالذين كفروا قطعتم لهم ثياب من نار. العذاب الاخراوي بقى كمان للي ازوا الرسول. سياب من نار زي ما كانوا بيكوا والصحابة بادرع الحديد. يصبوا من فوق رؤوسهم

الحميم زي ما كانوا بيدفنوهم في الرمال المحترقة - 00:27:58

تقوم بالحجارة يصب من فوق رؤوسهم الحميم يصهر بهما في بطونهم والجلود. يتسعر من العذاب ولهم مقابر من حديد زي

الكرابيج اللي كانوا بيضربوا بها الصحابة. كلما ارادوا ان يخرجوا منها اعيدوا فيها. وذوقوا عذاب الحريق - 00:28:18

قفل المشهد ويرجع رسول الله صلى الله عليه وسلم. مية وستين كيلو على المدينة بيعت اتنين من الصحابة. بشروا اهل المدينة بالنصر. وطمنوني على بنت رقية عاملة ايه؟ طمنوني على فلذة كبدي رقية عاملة ايه دلوقتي؟ اخبارها ايه؟ روق شفيت ولا لا؟ لسه

مريضة لغاية دلوقتي ولا شفيت وربنا - 00:28:38

يبعت المبشرين للمدينة يدخلوا يبشروهم. الناس ما تصدقش. اتقتل ابو جهل يا امة محمد. اتقتل ابو جهل واتقتل عتبة امية الصحابة مش مصدقين في المدينة. لدرجة انهم ما صدقوش غير لما لقوا الصحابة جايين معهم السبعين اسير في السلاسل. ويرجع البشير

للنبي عليه - 00:28:58

الصلاة والسلام. يقول له ماتت رقية يا رسول الله. ماتت وادفنت قبل ما ترجع يا رسول الله. ماتت وادفنت يا حبيب الله. والنبي يكمل عليه الصلاة والسلام ويدخل جيش المسلمين المدينة على مداخل العيد الصغير. اول عيد صغير في امة الاسلام لان ده كان اول

رمضان. بقى عيدين عيد - 00:29:18

النصر وعيد نصر بدر يا جماعة. وتوصل الاخبار للمشركين في مكة يدخل واحد يصرخ. يدخل يصرخ ويلطم في مكة. يا اهل مكة.

مات ابا الحكم اللي هو ابو جهل. مات عتبة. مات امية. مات عقبة. مات - 00:29:38

سايبة مات الوليد يا اهل مكة اتقتل سبعين. يا اهل مكة تأسر سبعين. يا اهل مكة الناس كانت في الصحراء ما نعرفش راحوا فين يا اهل مكة ابو لهب يسمع الخبر. ابو لهب كان عنده سبعين سنة. محمد انتصر! محمد اللي قتلت نفسي في الجري في منى ورا قبائل!

محمد اللي كنت - 00:29:54

كنت باسافر وراه في العرض على القبائل. اقول لهم ده مجنون! ما اصدقوش! محمد! محمد ينتصر قدام الناس كلها! بدر كانت سوء في الوقت ده! العرب بيجمعوا فيه نتفضح قدام الناس! محمد ينتصر ازاى! بعد الحرب اللي حاربناها! ابو جهل يتحطم قلبه! تنهار

نفسيته! ابو جهل! ابو لهب - 00:30:14

يا جماعة ابو لهب يعرف انه مش هيقدر يعيش بعد الموقف ده ويصاب بمرض اسمه العدسة. العدسة ده زي الطاعون يطلع بثور على جلده ودامل. اولاده يرموه في ايه تترعبوا منه ويرمونه زي الكلب؟ اسبوع لا يقربوا له ولا بياكلوه ولا حد يقدر يقرب منه بكل

مرعوب. ولما يموت يسيبوه وبعد ايام لما يعفن - 00:30:34

يرمونه في الجبل من الرعب الرهيب من من العدوى بتاعة هذا المرض. بالنسبة لهؤلاء المشركين ويموت ابو لهب مقهور. نهايات اللي ازوا رسول الله صلى الله عليه وسلم ويمسك قيادة مكة بعد موت ابو جهل وابو لهب. ابو سفيان ابو سفيان لما مسك قيادة مكة -

00:30:54

بزل مجهود ليل نهار في حرب رسول الله. اول مجهود كان محاولة قتل الرسول لما بعث عمير ابن وهب وفشلت المحاولة. ثاني مجهود لما اقسم ان كل سنة هيلم اللي هيقدر عليه من العرب ويخرج يقاتل محمد لغاية ما يببب محمد. ابو سفيان بدأ يحشد مكة.

حرم على مكة البكاء - 00:31:14

اللي هيبكي رجم. اللي هيبكي هيتجلد. اللي هتلبس اسود. اللي هيعمل حزن. ما فيش ميت. الميت بعد ما نقتل اصحاب محمد البيت بعد ما نفرقهم في الجبال زي ابو جهل كان بيقول وهم خارجين لبدر هنفرقهم في الجبال وهو رايع يتقتل ويتقطع - 00:31:34

تترمي في في القليب في النهاية وتصمم قريش على هذا ويرجع النبي عليه الصلاة والسلام المدينة يكرم يكرم اهل بدر يفضل بعد سنين. اما حد من اهل بدر يعمل غلطة كبيرة يقول النبي - 00:31:54

لعل الله اطلع على اهل بدر فقال اعملوا ما شئتم. فقد غفرت لكم. ليه؟ ليه كل ده يا جماعة؟ لانهم قتلوا لما كان الكل خايف لما كان الكل جبان يلا قومي. يلا قوم اللي هيقوم الوقت سوايه غير اللي هيقوم بعد كده. اللي هينصر الدين وهيشغل في الدعوة الوقت غير

اللي هيشغل بعد كده - 00:32:07

يا ترى يا جماعة سواب اول واحد راح يجاهد الروس كان ايه؟ سواب اول واحد جاهد اليهود كان ايه؟ هو ده سواب اهل بدر اول ناس. ويفاجأ النبي ان جايين يجروا عليه اللي كانوا بيقاتلوا معه. يا رسول الله يا رسول الله احنا احق بالغنائم. غنائم! غنائم ليه! احنا اللي قاتلنا والتائبين احنا الاحق يا رسول الله. احنا اللي - 00:32:27

المشركين والا كانوا هيرجعوا. والتائبين احنا الاحق يا رسول الله. احنا اللي جمعناها والا كان حد من العرب سرقها. الرسول يبص لهم مزهول. هم دول اللي كانوا بيضحوا بدمهم من شوية. ياه يا جماعة الموقف ده ربنا سبحانه وتعالى. يخلده تنزل سورة الانفال. اولها يسألونك عن الانفال! انفال - 00:32:47

الانفال اللي كانوا لسة بيضحوا بدمهم وحياتهم. عشان كلنا نتعلم ان حب الدنيا بيخرج متأخر اوي يا جماعة. اوعي تفتكري انك لما تسمعي الرسول قلبك يتحرك ان الدنيا خرجت من قلبك. اوعي تفكر انك وانت بتقوم الليل الدنيا خرجت لسه. ده المعركة طويلة اوي يا جماعة. وتنزل سورة - 00:33:07

احتفال بيان النصر الحاكم هيطلع يقول بيان النصر. انتصرت جنودنا الاشواوس لا البيان بتاع النصر اللي ربنا يقول لهم انا اللي عملت لكم كل حاجة. اوعوا تبوزوا لنا ان انتم عملتم حاجة. انا اللي عملت لكم كل حاجة. انا اللي رتبت مكان المعركة. انا اللي رتبت زمانها. انا اللي رميت از رميت الله رمى - 00:33:27

سبحانه وتعالى. انا اللي قتلتهم ولكن الله قتلهم. انا اللي نكلت بهم. انا اللي نزلت عليكم النعاس والمطر وهديت قلوبكم. انا اللي قزفت في قلوبهم الرعب انا اللي قزفت في قلوبكم الامن. انا اللي نزلت لكم الملايكة انا اللي سبتكم. اعرفوا ربنا من غير عمركم ما هتوصلوا لحاجة. تنزل - 00:33:47

سورة الانفال تقول لهم خدوا بالكم مش ده النهاية. ده لسة ياما هيصرفم ينفقون اموالهم ليصدوا عن سبيل الله فسينفقونها. خدوا بالكم اللي كان بيناظر ديدات. ميزانيته اليومية في تنصير المسلمين مليون دولار. البنات الاوروبيات الفرنسيات والايطاليات. بيروحوا جنوب السودان - 00:34:07

بيبيعوا حياتهم يقعدوا ياكلوا بامية ناشفة ويكلموا الناس عن التنصير. يا جماعة انتم ميزانية التنصير في السنة مية واحد وتمانين مليار دولار واحنا قاعدين نايمين يا امة محمد. غانا غانا بنوا فيها ستميت كنيسة في سنة. لمين؟ لمين؟ لمين؟ يا ايها المنصرين - 00:34:27

الصين اللي بتحارب الاسلام فيها بعنوا للمسلمين فيها عشرين منصر عشان يخرجوهم من دينهم فسينفقونها قوموا. نزلت الانفال تقول لهم واعدوا الطريق لسه طويل انتم ما عملتوش حاجة غير خطوة واحدة اعدوا اعدوا يلا ده لسة الطريق طويل اعدوا لهم ما استطعتم. تنزل الانفال تقول لهم افتكروم ازيا - 00:34:47

الذين كفروا ليسبوتوك او يقتلوك. مؤامرة ليلة الهجرة افتكروا اللي فات. احرفوا بقى. اعرفوا ريكتم قادر قد ايه. اعرفوا بقى ربنا يقدر ينصر ام قد ايه يا امة محمد وانا في نهاية حلقة الليلة بقول لكم عرفتم ربنا يقدر ينصرنا قد ايه؟ الجنود المدججين والاعلام والطبول والمغنيات - 00:35:09

والتسليح والفرسان كل دول اتهمزم. اتهمزموا في سيوف بدائية لان الله معنا. لان ربنا معنا يا امة محمد ما تخافوش من اليهود. ما تخافوش من اعداء الدين يا امة محمد. ربنا قادر. بس احنا نرجع لربنا. يا امة محمد مكة لما مشي ورا ابو جهل - 00:35:29 ضيعهم شردهم ابو جهل بتاعنا الوقتي الصحف العلمانية والبرامج العلمانية. لو مشينا وراهم هيضيعونا. احنا بنشتري الجرايد دي ليه؟ احنا ما لنا يا جماعة! احنا يا جماعة قلوبنا وعقولنا ليه؟ فضل حكيم ابن حزام طول عمره بعد ما اسلم وكان بيقاتل مشرك في في الغزوة دي. يقول لا والذي لم يمينتي في بدر - 00:35:49

فضل حافز لربنا ان ربنا ما قتلوش يوم بدر. لا والذي لم يمينتي في المعبورة. لا والذي لم يمينتي في مارينا. لا والذي لم يمينتي في اليوم الفلاني اللي كنت بتكلم في - 00:36:11

الكون بالليل في مكاملة شكلها كذا او بتفرج على موقع كذا او على قناة فيها كذا او او. ربنا كريم يا شباب قوموا وتوبوا. قوموا والحقوا قوموا وابتدروا ربنا كبير الموقف المبهر في النهاية لما الرسول عليه الصلاة والسلام - [00:36:21](#) الاسرى اللي معهمش فلوس يقدوا نفسهم بها. خلاهم يعلموا اطفال الانصار والمهاجرين. القراية والكتابة ياه! العلم مهم للدرجة دي اذا كان اول اية في كتابنا اقرأوا واخر اية واتقوا يوما ترجعون فيه الى الله واللي بعدها. وليكتب بينكم كاتم بالعدل. الاية اللي فيها -

[00:36:37](#)

عشر مرات لفز الكتابة. اول اية اقرأوا واخر اية اكتب دينا كله قراية وكتابة. دينا كله علم النبي عليه الصلاة والسلام يبدأ العلم. يبدأ محو الامية يبدأ التنوير الحقيقي. التنوير الحقيقي داخل المدينة. وتتقفل غزوة بدر على وعد من المشركين بالعودة. بدأنا الليل بدأنا نتكلم

عن غزوات - [00:36:57](#)

النبي عليه الصلاة والسلام. اتكلمنا عن غزوة بدر بكرة ان شاء الله غزوة احد يا جماعة. بكرة غزوة احد الرهيبة. بكرة غزوة احد الدامية

اللي كل ما الواحد يروح يقف قدام قبور شهداء - [00:37:17](#)

يبكي الناس كلها. يبكي الناس كلها. والناس تتغير والناس تلتزم والنساء تتحجب. من كتر الموقف الرهيب الرهيب والتضحية الرهيبة.

بكرة هنشوف رسول الله حبه قد ايه. بكرة هنشوف دافعوا عنه قد ايه. بكرة هنشوف رسول الله - [00:37:27](#)

في القلوب قد ايه؟ بكرة هنشوف يا جماعة. ولكن الليلة قبل ما اسبيكم بقى باذن الله سبحانه وتعالى في هذه النهاية السريعة. بكرة

يا جماعة بكرة ان شاء الله سبعتاشر رمضان. بكرة يا جماعة زكري غزوة بدر. زكري غزوة بدر يا امة محمد - [00:37:47](#)

مش بقول نجيب حلاوة وناكل. انما افكر ان افكر طول اليوم بكرة. النهاردة ربنا فتح على ايد الصحابة بالنصر المبين. انا فتح على

ايدي بايه؟ انا عملت ايه! انا عملت ايه! يا جماعة ليلة القدر خلاص قربت. الاعتكاف يوم الاربع داهو او الخميس داهو حسب المساجد

بقى. الاربع والخميس هيبدأ الاعتكاف. عملنا ايه - [00:38:04](#)

عشر تيام في جوار الله. اوعوا تفرطوا في الاعتكاف. دي سنة رسول الله صلى الله عليه وسلم. يا جماعة عشان نفوز بليلة القدر. ليلة

القدر اللي بتقدر فيها البقاء زواج اللي مش متجوز بيتكتب فيها شفاء المرضى. سداد الديون الرزق بعد الضيق والفقر. يا جماعة اللي

عايز ربنا - [00:38:24](#)

دول له بخير طول السنة ما يضيعش الليلة الرهيبة ده. اللي عايز ربنا يشفيه ويكرمه ويغنيه اللي عايز وظيفة اللي عايز زوجة. اللي

عايزة زوج اللي عايزة ذرية يقوم وما يضيعش ولا ليلة عشان يفوز بليلة القدر. يا جماعة عشر تيام ربنا بيستضيفكم في جواره. يا

اخوانا ليلة القدر اتناشر ساعة بتلاتين الف - [00:38:44](#)

يوم ست بالف شهر يعني ثلاثين الف يوم. يعني الاتناشر ساعة بستين الف اتناشر ساعة. يعني الساعة بستين الف ساعة. الركعة فيها

بستين الف ركعة. القيام بستين الف قيام. حرف القرآن بستين الف حرف. صلة الرحم مكاملة لارحامك بستين الف صلة رحم. تفطير -

[00:39:04](#)

بستين الف تفطير صايم. هنضيع الفرصة ولا ايه! يا جماعة ما لهاش حل غير ان احنا من اول ليلة الاربع والخميس ان شاء الله تعتكفوا

يا جماعة كاف من اجل ربنا ولنصرة دين ربنا وللتربية بقى. الصحابة في الايام دهيت كانوا يجاهدوا نجاهد احنا في المسجد حتى.

كانوا - [00:39:24](#)

نقاتل احنا حتى الشيطان واهواء الشيطان. باذن الله اوعوا تضيعوا الاعتكاف. يعني باسبيكم على خير باذن الله سبحانه وتعالى

وبترككم في امان الله سبحانه وتعالى وفي رعاية الله سبحانه وتعالى. كنا مع غزوة خطيرة مع غزوة مهمة مع غزوة عزيمة مع غزوة

بدر البدر اللي طلع في - [00:39:44](#)

الامة نور للامة كلها الدين ده ما تحارب وما فيش حاجة اسرت فيه. تلتاشر سنة سجن وحبس وما اتهزمش. سبع حروب صلابية وما

اتكسرش. حروب وما اتكسرش مليارات تنصير ولسه الدين والعقيدة اقوياء. ميت الف. الف وربعميت سنة بيتحارب حرب لو كان اي

دين ثاني تحاربها كان اتشل - [00:40:03](#)

كانت فتت كانت مزق دينكم قوي يا شباب. دينكم هو دين الحق. اشهد ان لا اله الا الله. واشهد ان محمدا رسول الله اشهدوا بقلوبكم. اشهدوا كانكم شايقين يقينا ان ربنا هو الله الحق وان الرسول هو الرسول الحق. على هذا اليقين على هذا - [00:40:23](#)

الرهيب بعد النصر الرهيب. بعد يوم الفرقان نختم حلقة الليلة. ونرفع ايدينا لك يا رب ونبتهل اليك زي ما الرسول ابتهل اليك اللهم اجعلنا من جندك المخلصين. اللهم انصر بنا الاسلام. اللهم اعز بنا دينك. اللهم نصرك الذي وعدتنا. اللهم - [00:40:43](#)

لا تودع منا ما تسبناش يا رب. انصر امة حبيبك يا رب. فرج الكرب يا رب يا رب اهلك المفسدين او اهدهم يا رب اهدنا يا رب اهد الشباب اهد البنات. اهد الرجال والنساء والاطفال يا رب - [00:41:03](#)

يا رب هدوم مات حبيبك انقذنا. اغثنا يا رب. استخدمنا ولا تستبدلنا يا رب. يا رب يا رب احيينا على سنته. وامتنا اعلى ملته واحشرنا في زمرة. برحمتك يا ارحم الراحمين - [00:41:21](#)

اقول قولي هذا واستغفر الله لي ولكم. سبحانك اللهم وبحمدك اشهد ان لا اله الا انت استغفرك واتوب اليك. وبكرة ان شاء الله مع غزوة احد اقول قولي هذا واستغفر الله لي ولكم. السلام عليكم ورحمة الله وبركاته - [00:41:37](#)

قالوا لينا ليه - [00:41:52](#)